



Udalbatzak, bi mila eta hogeita bateko urtarrilaren hogeita zortzian, Ohiko Osoko bilkuran, besteak beste, honako erabaki hau hartu zuela jakinarazi nahi dizut:

- Gipuzkoako Ostalaritza Aurrera. PNV-PSE-EE Udal taldeak aurkeztutako mozioa.

Mozioak honela dio:

“EAJ-PNV, eta PSE-EE talde politikoek Gipuzkoako Ostalaritza Aurrera plataformak erregistratutako mozio proposamenaren aurrean, honako mozio hau aurkezten dute.

Gipuzkoako Ostalaritza Aurrera plataformaren azalpenak:

Covid 19aren ondorioz, Estatuko Gobernuak eta Eusko Jaurlaritzak agindutako ostalararitzaren itxierak direla eta, ekonomiaren arlo hori jasaten ari den egoera larriari irtenbide egokia emateko neurriak har ditzaten eskatzeko UDAL MOZIO PROPOSMENA, Ostalaritza Aurrera Gipuzkoa plataformak eskatuta.

Urte honetako martxoaren 14ean, lehenengo Eusko Jaurlaritzak eta egun berean Estatuko gobernuburuak, ostalaritza isteko agindua eman zuten.

Maiatzaren 11n, deseskalatzeko 1. fasean, ostalaritza berriro irekitzeko baimena iritsi zen. Irekitzeko baldintzak hain murrizak izanik, ostalarien gehiengoak maiatzaren 25etik aurrera ireki zuen. Beraz, 71 egun itxita egon ziren gure negozioak.

Ekainaren 21ean alarma egoera altxa eta, pandemiaren bilakaera negatiboa zela eta, abuztuaren 17an murrizketa berriak etorri ziren eta gaueko aisia erabat itxi zen. Urriaren 25ean bigarren alarma egoera agindu zen eta azaroaren 6an bigarren itxiera iritsi zen.

Abenduaren 12an irekitzeko baimena iza n genuen, ordutegi eta aforo murrizketa handiekin, 35 egun itxita egon ondoren. Baina ez genuen guztiok irekitzeko baimenik izan. Horrela, Arrasate, Ordizia eta Eibarrek itxita jarraitu zuten.

Handik hiru egunetara, Beasain, Zaldibia eta Azpeitiako ostalaritzaren itxiera agindu zen. Abenduaren 18an, berriz, Segura eta Eskoriatzako ostalaritza itxi zen.



Gaurko egunean, abenduak 31, Errezil, Eskoriatza, Leintz-Gatzaga, Segura, Zaldibia, Arretxabaleta, Arrasate, Azpeitia, Beasain eta Ordiziako ostalaritzak itxita jarraitzen du.

Guztira, Gipuzkoako ostalariok gure negozioak itxita eduki ditugu 106 eta 125 egun artean, udalerrri bakoitzaren egoera epidemiologikoaren arabera. Gaueko ostalaritzak, berriz, 7 hilabetetik gora darama erabat itxita.

Eta itxita egondako epean ere, gure gastu finko guztiak ordaintzen jarraitu behar izan dugu: telefona, aholkularitza-gastuak, aseguruak, gastu informatikoak, gasa, argiindarra, OHZ, zaborren eta terrazen tasak, alokairuak, maileguak, banketxe-gastuak, suhitzalgailuen mantenua, alarmen hileroko kuota, SGAE,...

Egia da, tokian tokiko udalek lagundu digute, neurri ezberdinen bidez, gastu finko batzuk arintzen, terraza- eta zabor-tasak bolara batez kenduz, kontsumoa bizkortzeko bonuak ateraz, EPlutarako laguntza emanez, terrazen azalera handitzeko aldi baterako baimenak emanez ...

Bestalde, lehenengo itxialdian, mutuan bidez, 666€ eta 1098€ arteko kopurua ja so genuen eta autonomoen kotizazioa kendu ziguten.

Bigarren itxialdian, irailaren 29ko 30/2020 Errege-Dekretuaren bidez, hilean 301,6 eta 377€ arteko kopurua jasotzeko eskubidea onartu zitzaigun (kotizazio mininimoaren oinarriari dagokionaren %50 kasu batzuetan eta %40 beste batzutan) itxialdiak irauten duen bitartean; era berean, ez digute kobratuko autonomoen kuotarik.

Eusko Jaurlaritzak, berriz, aurrikusiak ditu 3000 eta 4500 € arteko laguntza zuzenak, eta ostalari gutxi batzuk dagoeneko jaso dituzte.

Alokairuak dituztenen egoera, berriz, jabe eta maizterren akordioen baitan geratu da. Maileguen kasuan, ostalari askok ordainketen urtebeteko atzerapena lortu dute.

Egiari zor, aitortu behar da administrazio ezberdinek ahaleginak egin dituztela gure egoera arintzeko; baina EZ DA NAHIKOA.

Faktura finko guztiak ordaindu ondoren, ikusi dugu ja sotako laguntzekin ostalari gehienok EZ DUGULA LORTU GASTU FINKOEI AURRE EGITEA.



Horrez gain, familia asko eta asko ostalaritzatik bizi gara, eta 2020 URTEAREN HERENA BAINO GEHIAGOZ GEURE BIZITZARAKO GASTUETARAKO DIRUSARRERARIK GABE GELDITU GARA.

*Guipuzkoako ostalari gehienok autonomo txikiak gara, lokal bat edo bi errentan edo jabetzan ditugu, **baina ez dugu dirusarrerarik eguneroko bizitzako gastuei aurre egiteko.***

*Egoera horrek hainbat eta hainbat familia **miseriara** garamatza. Gure egoera animikoa ere desesperazioaren mugan aurkitzen da.*

Ez dugu lan egiterik izan eta ezin izan dugu soldatarik eraman geure etxeetara”.

Hori horrela:

1. Tolosako Udalak Europako Batzordeari, Espainiako Gobernuari, Eusko Jaurlaritzari, Gipuzkoako Foru Aldundiari eta udal-gobernuari, orain arte egin duten moduan, sustapen ekonomikoarekin eta zerga-sistemeekin lotuta, ezohiko eta beharrezko neurri guztiak hartzen jarrai dezaten eskatzen die, pandemiari aurre egiteko hartu diren neurri murriztaileek eragindako kalteak arintzeko.

2. Tolosako Udalak erakundeen arteko lankidetzak indartzeko premiatzen du, erakunde-maila diferenteetan osagarriak izan daitezkeen babes-neurriak koordinatzeko, eta era horretan, neurri horiek sektore bakoitzera hobeto egokitzeko eta egoera ekonomikoaren bilakaerari jarraipen zorrotzagoa egin ahal izateko.

3. Tolosako Udalak erabaki hau hartu izanaren berri aurretik aipatutako erakundeei emango die”.

Udalbatzako bozketaren emaitza honako hau izan da:

Aldeko botoak: Olatz Peon Ormazabal, Begoña Tolosa Mendia, Nerea Letamendia Belloso, Patxi Amantegi Zubiria, Joseba Koldo Ormazabal Lopez, Egoitz Sorozabal Iturain, Xabier Balerdi Tolosa, Izarne Iglesias Garcia de Iturrospe eta Jose M^a Villanueva Telleria.

Aurkako botoak: Andu Martinez de Rituerto Arregui, Kristina Pelaez Errazkin, Aitana Amondarain Esquisabel, Aitzol Garcia Azurmendi, Olatz Artola Apezteguia, Ander Figuerido Zubiria, Garbiñe Marzol Ormazabal eta Xabier Martinez Quinquilla .



TOLOSAKO
UDALA

2021IPLE0001

Beraz, Udalbatzak gehiengoz onartu du EAJ-PNV eta PSE-EE talde politikoek Gipuzkoako Ostalaritza Aurrera plataformak erregistratutako mozio proposamenaren aurrean aurkeztu duten mozioa.

Hau guztia adierazten dizut, Tolosan, bi mila eta hogeita bateko otsailaren bostean.

Idazkaria

Begoña Garmendia Vazquez



Sinaduren laburpena / Resumen de firmas

Titulua / Título:

2021IMOZ0006-2021-01-28 Osoko bilkurako ebazpena/2021-01-28 Osoko